

Fjármálaráðherra f. h. ríkissjóðs  
og  
Landssamband slökkviliðs- og sjúkraflutningamanna

## Samkomulag um kjör sjúkraflutningamanna

Gildistími 1. janúar 2006 til 30. nóvember 2008

Samkomulag þetta gildir fyrir tvo hópa sjúkraflutningamanna. Annars vegar þá sem ráðnir eru í aðalstarf sem sjúkraflutningamenn og hins vegar þá sem ráðnir eru sem hlutastarfandi sjúkraflutningamenn.

### Kafli 1. – Sjúkraflutningamenn í aðalstarfi

Um kjör þeirra sem ráðnir eru í aðalstarf skal fara skv. kjarasamningi Launanevndar sveitarfélaga og Landssambands slökkviliðs- og sjúkraflutningamanna frá 5. mars 2006.

Verði sú sjúkraflutningastarfsemi sem rekin er af ríkisstofnunum með starfsmönnum í aðalstarfi við sjúkraflutninga færð á annarra hendur fellur þessi kafli úr gildi.

Tillit þarf að taka til þess að nokkur ákvæði samningsins fara gegn lögum gagnvart ríkisstofnunum og ganga þá lög framár.

Aðilar er ásáttir um að fara sameiginlega yfir hvernig bókanir og fylgiskjöl þess samnings geta átt við starfsmenn ríkisins.

### Kafli 2. – Hlutastarfandi sjúkraflutningamenn

#### 1. Um laun

- 1.1 Fyrir þá kvöð sem hvílir á sjúkraflutningamönnum að þurfa ávallt að vera viðbúnir að sinna verkefnum, skulu þeir fá sérstaka þóknun er greiðist eftir á með jöfnum mánaðarlegum greiðslum.
- 1.2 Þóknun þessi skal vera hlutfall af launaflokki 139 í 3. þrepi í samningi Launanevndar sveitarfélaga og LSS frá 5. mars 2006. Þóknunin greiðist mánaðarlega alla mánuði ársins án orlofs og reiknast fyrir hvern mann sem ráðinn er til fullrar bakvaktar með orlofstöku. Fyrir hluta tímans eða hluta bakvaktar greiðist hlutfallslega.

Fjöldi útkalla	Hlutfall 2006	Hlutfall 2007	Hlutfall 2008
<40	67%	76%	83%
40-99	70%	78%	83%
100-149	77%	80%	83%
150-249	82%	83%	83%

- 1.3 Fyrir hvert útkall skal greitt að lágmarki 4 klst. skv. yfirvinnukaupi. Lágmark þetta skal þó einungis vera 2 klst. ef flutningur er innan viðkomandi þéttbýlismarka. Greitt skal skv. yfirvinnukaupi í launaflokki 139 í 3. þrepi.
- 1.4 Sjúkraflutningamönnum er skylt að annast um búnað og mæta á æfingar eftir nánari ákvörðun viðkomandi heilbrigðisyfirvalda.

## **2. Ýmis atriði**

- 2.1 Samningur þessi á ekki við sé starfsmanni heilbrigðisstofnunar falið að sinna sjúkraflutningum jafnframt öðru starfi, sé það starf talið aðalstarf.
- 2.2 Tryggingar sjúkraflutningamanna skulu vera þær sömu og í fyrri kjarasamningi LSS og fjármálaráðherra, þ.m.t. fjárhæðir fyrri hópslysatryggingar að uppfærðum vísitölum, með þeirri takmörkun þó að tryggingar gilda aðeins fyrir þann tíma sem sjúkraflutningar eða þjálfun standa yfir ásamt ferðatímanum til og frá áðurnefndum störfum. Í vinnuslysatilvikum skal sjúkraflutningamaður njóta réttar til launa sem hann væri ráðinn í fullt starf í launaflokki 134 í 3. þrepi.
- 2.3 Sjúkraflutningamenn skulu eiga kost á að sækja endurmenntunar- og framhaldsnámskeið sér að kostnaðarlausu eftir því sem við verður komið. Með því er einnig átt við að viðkomandi stofnun greiði sjúkraflutningamanni laun sem þeir væru ráðnir í fullt starf í launaflokki 134 í 3. þrepi á meðan fjarvistir frá vinnu vara. Þeir starfsmenn sem nú eru í starfi skulu þó njóta þessara kjara við öflun réttinda.
- 2.4 Sjúkraflutningamönnum skal séð fyrir vinnufatnaði eftir þörfum þeim að kostnaðarlausu í samræmi við kröfur starfsins.
- 2.5 Boðtæki hvers konar sem reynast kunna nauðsynleg, þ.m.t farsímar skulu lögð til af vinnuveitanda og hann standa straum af rekstri þeirra í þessum tilgangi.
- 2.6 Um lengd orlofs og hlutfall orlofs á yfirvinnu fer skv. nógildandi kjarasamningi LSS og Launanevndar sveitarfélaga.
- 2.7 Sjúkraflutningamönnum skal sköpuð aðstaða til að stunda líkamsrækt, til þjálfunar og viðhalds líkamlegu þreki sínu, þeim að kostnaðarlausu.
- 2.8 Greiða skal í orlofssjóð og starfsmenntunarsjóð Landssambands slökkviliðs- og sjúkraflutningamanna með sama hætti og skv. kjarasamningi Launanevndar sveitarfélaga og Landssambands slökkviliðs- og sjúkraflutningamanna frá 5. mars 2006.
- 2.9 Um kjör þeirra að öðru leyti fer skv. kjarasamningi Landssambands slökkviliðs- og sjúkraflutningamanna og Launanevndar sveitarfélaga eftir því sem við getur átt.
- 2.10 Gera skal skriflega ráðningarsamninga við sjúkraflutningamenn.

## **3. Launabreytingar á samningstímanum og gildistími**

- 3.1 Enginn skal skv. samningi þessum lækka í launum á meðan nógildandi ráðning varir.

3.2 Launatölur í samningi þessum taka sömu breytingum og launatölur í samningi Launaneftndar sveitarfélaga við Landssamband slökkviliðs- og sjúkraflutningamanna frá 5. mars 2006.

1. janúar 2007 hækka laun um 3,0%

1. janúar 2008 hækka laun um 3,0%

Launaliðurinn skal taka sömu breytingum og hugsanlega leiða af gr. 15.1.2 í samningi LSS og LN.

Samkomulag þetta gildir frá 1. janúar 2006 til 30. nóvember 2008 og fellur þá úr gildi án sérstakrar uppsagnar.

Reykjavík, 16. maí 2006

f.h. fjármálaráðherra

f.h. Landssambands slökkviliðs-  
og sjúkraflutningamanna

*Guðmundur H. Guðmundsson (sign.)*  
*Sigurður Gils Björgvinsson (sign.)*

*Vernharð Guðnason (sign.)*  
*Sverrir Björn Björnsson (sign.)*  
*Kristján Ingi Vignisson (sign.)*  
*Eyþór Leifsson (sign.)*

### **Bókun**

Aðilar eru sammála um að ljúka deilum um vanhöld á greiðslu iðgjalda í sjúkrasjóð og starfsmenntunarsjóð LSS með einni greiðslu ríkissjóðs til sjóðanna samtals að upphæð kr. 3.000.000-. Með því teljast öll iðgjöld ríkisstofnana vera í skilum til 31. desember 2005. Aðilar eru ásáttir um að um sé að ræða fullnaðaruppgjör iðgjaldanna og ekki komi til frekari eftirmála vegna þeirra.

*Guðmundur H. Guðmundsson (sign.)*

*Vernharð Guðnason (sign.)*